



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

**Brunner, Andreas
Pfeffer, Wilhelm**

Antverpiæ, [1659 erschienen] 1660

B. Henricvs Svso C. 25. Ianuarij.

urn:nbn:de:hbz:466:1-42032

chos dicit. Inter tyrocini temporā cū fletu alios inundari, ipse pumex, videret, saxo è pectore fontem oculis statuit perere, quod factum postea tam abunde, ut pavimenta, & vestes sacrificantis fletu maderent, interque cœnulam plus videretur lacrymarum quàm aquæ bibere. Magnatibus etiam familiaris pacem inter Conradum Imp. & Henricum Regem sanxit, Venenum non semel innocuis bibit, illis morientibus, qui miscuerant. Pastorem à lupo laniatum vitæ, & gregi reddidit: dæmonem ludicrâ alapâ fugavit. Moritur denique cilicio incumbens, terramque matrem prono pectore deosculans. Mortuum sex dies odor mirissimus laudavit suavissimisque; tumularunt inter homines visi Angeli, sepulchrum verò ingentia miracula ornarunt, *Ex Suvio.*

Ornari abs te Diabolus querit, si Calicem aureum invenisse sin terra, donares illum Ecclesia Dei: accepisti à Deo ingenium spiritualiter aureum, & ministras inde libidinibus, & in illo Sathana propinas te ipsum. S. Aug. Ep. 41.

B. HENRICVS SVSO C. 25. Iannarij.

HENRICVS SVSO Constantiæ in Dominicâ familiam adlectus simulque à IESV in adyta amoris inductus, IESV nomen pectori insc. Ipsit ingeniosus calator. Digitales erant literæ, quæq; ad cordis motum, & ipsæ movebantur, ut cum hoc dudum conspirasse idemque utrobique agî scires. Interea inter dolores deficientem alterum, & è cælo lapsum nomen IESV è cruce auro gemmisque rutilans recreavit. Et cur à Filio Mater abesset? MARIAM salutare ante solem gestiebat, tunc præsertim, cū idē facere Angelos audïsser,

C 2 illis

illis verbis, *Stella MARIA maris hodie processit ad ortum*: quandoque etiam ad cantus illos socius admittitur. Iam Kal. Ian. & Maii, quibus Suevia vel Xenii vel cantu certat, ille totos dies IESVM & MARIAM sonare, flores Cruci dare, hanc osculis fatigare; ut post tot amores manifestus iterum IESVS HENRICI nomen in AMANDI mutarit, & MARIA (cujus solo nomine in fugam ore dabit) humana nausanti caelestem liquorem propinarit. Caterum (mecum mirare) hucusque in primo gradu virtutis consistere AMANDVM suum Christus docuit, & Seraphinum alatum in cruce sua indutus docuit per adversa non ire, sed volare in caelum. Abhinc scortator, sacrorum fur, impostor, veneficus audiit AMANDVS, ut succumbere potuisset, nisi IESVS & MARIA Angelique colloquiis suis identidem firmassent. His succollantibus in caelos evasit, Anno M. CCC. LXV. qui sequi volunt, legant scandantque *Rupes*, quas scripsit.

Ex Ann. Ordin. Prad.

Tristatur aliquis? veniat in cor ejus IESVS & inde saliat in os, & ecce ad exortum nominis lumen, nubilum omne diffugit, & redit serenum. Labitur quis in crimen, currit ad laqueum mortis, nonne si invocet nomen vite, respirabit ad vitam? S. Bern. serm. 15. Cant.

S. POLYCARPVVS EP. M. 26. Januarij.

Antistes Smyrnensibus POLYCARPVVS à Divo Ioanne Apostolo datus est, eam apud omnes fuisse auctoritate memoratur, ut subinde sperare ausi sint Iudæi, Christianos, misso Christo, POLYCARPVVM secuturos. Libertate quam Christianam in dicendo fuerit, argumento ejus cum Marcione hæretico congressus, qui cum ad conspectum suum exhor-